

# مجموعه ابو الضیاء

ماسوا شایع شدن دلی تطهیر چالش  
بر تو حکمت و عرفان ایله توره آتش

علوم و معارفدن بحث ایدر. و هر ماه عربی ابتدا سیله اون بشته نشر اولور مجموعهدر.

عدد ۳۰ - جلد ۳ [ ۱۵ ربيع الاول سنه ۱۳۰۰ ] نسخه سی ۳ غروش

(\*) [نام] [نام] [نام] دوستلق [نام] [نام] [نام]

[وولتر دن مترجدر]

معلومدر که عشق و محبت و یا حرمت و رعایت آخرک امریله  
اوله میه جغی کبی دوستلق دخی امر تختنده اوله مز . یعنی بر آدم دیگر  
بر آدمه کرها دوست اوله مز .

کتب مقدسه ده «همچنسه محبت ایله» کلامی محرر ایسه ده  
بو «محبتی» همچنسه معاونت ایله تفسیر ایتک لازم کلیر .

یوقسه الفتی مورت قسوت اولان بر آدمه مخالفت و مصاحبت  
ایت و یا خود بر کوزه به تودیع راز و یا بر سرفه آخیه اقراض ایله  
دیمک دکلدر .

دوستلق دنیلان خاصه معنویه روحک ازدواجی در که ادنا  
بر عارضه ایله طلاقه مستعددر . چونکه دوستلق خاصه انفعال  
و فضیله مالک ایکی قلب پنشنده برویقه معنویه دن عبارتدر . برنده  
اثر ضعف و هزال حاصل اوله جق اولسه دیگرگی دخی او آنده  
کسب زوال ایلر .

مالک فضیلت ایکی قلبک دیورم . چونکه اشرا پنشنده دوستی  
و مواخات اوله میوب، اوله لری اولسه اولسه یکدیگرینک شریک نهمت  
و جنایتی اوله بیلیر . دوستلق ایسه فضیلت اوزرینه مؤسدر .

سفهانک رفیق سفاهتی، اصحاب تجارتک شرکاسی، پولتیقه  
اربابنک معین فسادی، عظمانک ایسه مداهنلری و حاصلی هر صنفک مناسب  
برر نام ایله آدملری اولوب حقیقی دوستلره مالک اولانلر ایسه بالکثر  
اصحاب فضیلتدر .

سده غوس، قایلیناںک شریک جنایتی و [مده سن] [اوقتاو] ک (\*)  
مداہنی ایدی .

مالک فضیلت اولان ایکی قلب پسنده کی وثیقہ بی محافظہ ایدن  
نہ در؟ حسیات محبتک درجہ شدت و یا ضعفہ و طرفیندن بربرینہ اجرا  
ایدیلان خدماتک اہمیت و خالصتنہ نسبتہ او وثیقہ نیک دخی حکمی  
یا قوت و یا خود ضعف حاصل ایلر .

اسکی یونانیلرلہ عربلرلہ دوستلغہ رعایت اوروپالیلرلہ مرعی  
اولان احکام دوستیدن یوز بیک کرہ بالا ایدی . بویکی قومک دوستی  
و محبتہ دائر تصویر ایتدکلری قصص لطیفہ بہ ممائل فقرلہ اوروپا-  
لیلرک کتب امثال و روایاتندہ اصلا تصادف اولمیز . اوروپالیلرک  
حکایہ زندہ، تاریخلرندہ، تیارولرندہ فضائل دوستی بہ متعلق ہیچ بر  
بحث کوریلہ میور .

کتب عبرانیہ دہ یالکز صنادید بنی اسرائیلدن [جوناناس] ایلہ  
حضرت داؤد پسنده عقد ایدیلان مواخانہ متعلق بر بحث موجود  
اولوب، اودنیانک بک اسکی بر قومی اولان و دنیا و مافیہا آنجق کندیلری  
ایچون خلق و تکوین اولندیغنی ادعا ایدن ملت اسرائیلیہ آرہ سندنہ  
یکدیگرہ محبت ایش دیکر ایکی آدم دہا کوسترلما مشدر .

یونانیلرلہ دوستلق احکام دینیہ و قانونیہ دن معدود ایدی .  
تبلیلرلہ عشاق آلای اجرا ایدیلردی . شعرای عرب ایسہ فضائل  
دوستی و محبتہ دائر بیکرلہ قصائد نظم ایدرلر ایدی . حالا عربک دینیلہ  
متدین اولان اقوام ترکیہ پسنده دخی الک مقدس فضیلت فضیلت  
دوستی و محبتدر .

(\*) قایلینا ایلہ سده غوس ایکی رومالیدرکہ سناطو علیہندہ تحریک اختلال  
ایتمشلردر . اوقتاو ایسہ برنجی روما امپراطوری اولوب (مده سن) حقیقتندہ غوستاؤک  
آدمی اولدیغنی حالہ ریو مداہندہ سیلہ دائما اوقتای اغفال ایلر ایدی . [لطایع]